

Nalunaarut, Meeqqaat Ikiortigit 2015-2016

Suliffeqarfinnik suleqateqarneq

Meeqqaat Ikiortigit siullermeersumik suliffeqarfimmik suleqateqalerpoq, tassa suleqatigiinnissamik isumaqatgiissuteqarfagalugu STARK.

STARK-imi pisinermi værdikupon-imik 25 kr.-limmik pisisoqarsinnaalerpoq, sumiiffimmi niuertarfe-qarfeqarfisami peqatigiiffiup suliniutaannut tamakkiisumik nakkartartussanik.

Suli periuseq ilikkarniarsaraarput STARK peqatigalugu ussassaarutiginiarlugu.

Nuna tamakkerlugu aningaasanik katersuiniarneq 2015

Peqatigiiffiup 2015-imi suliaasa annersaat tassaavoq ukiumoortumik aningaasanik katersuiniarnissamik piareersaaneq.

2015-ip upernaani, pilersaarusiornernut katesuiniarnerullu ingerlanissaanik siulersuisut allallu suleqatigisassat peqatigalugit suliaqartussami pisortaasussamik atorfinititsisoqarpoq.

Katersuiniarneq taaguuteqartinneqarpoq "weekendimi pilersaaruterput" ingerlanneqartussallu qulerutarilerpaa "Meeqqaat tamarmik angerlartsimaffissaqarsinnaatitaapput" pingaarnertut qitiutillugu "pitsaasumik angerlarsimaffeqarnissaq tamatumalu meeqqamut qanoq pingaaaruteqassusia alliartornissaani ineriartornissaanilu. Ingerlanniakkamilu quelequttap ataani sammineqarputtaaq pitsaasumik angerlarsimaffiup iluani pingaaaruteqartut inuiaqatigiinni assiginngitsunik iluseqarsinnaasut, pingaaarnersaralugu toqqissisimanartunik aallaaveqarnissaq, meeqqaat pitsaasumik ineriartornissaannut atugaqarnissaannullu aallaviusussaq.

Suliarlu unamminartortaqanngitsuunngilaq. Siulersuisut aamma pilersaarusiornermi pisortap kingorna nassuerutigaat, taamatut annertutigisumik ingerlatsineq timitaliiniarnermut atatillugu annertuunik ilikkagassartaqarmat. Ilaatigullu suliarinninnermi tunngavissat iluini inissisimanerup sanngitsoqarnera pequtigalugu paatsuunganartoqartarlunilu piareersimaffigineqanngitsunik unamminartunik nnammattuugaqarfiusarsimavortaaq.

Taamakkaluartoq katersuiniarluni aaqqissuussaq iluatsilluarpoq, unnullu taanna Harboe Fondenimit tunniunneqartut ilanngukkaanni katillugit aningaasat 1.023.000 kr.usut isertinneqarsimapput.

Suulli tamarmik kiseqqissaarneqarmata kaaviaartitat 1.044.633,63 kr.-usimapput taakkunannga pissarsissutit (ningaasartuutit ilngaatigereerlugit) 852.787,98 kr.-ullutik.

Tips og Lotto-mi aningaasanit pissarsiat

Peqatigiiffik Tips og Lotto-puljemit 2015-imi 2016-imilu pissarsitinneqarpoq. 2015-imi pissarsiarineqarput 75.000 kr. 2016-imilu pissarsiarineqarlutik aamma 75.000 kr.

Unittoorneq

Nassuerutigissavarput, katersuiniarnerup kingorna siulersuisut akornanni ulapinnerujussup kingorna nukillaajummertoqarmat pitinnagu pilersaarusiunngitsuukkatsinnik, tamannalu peqqutigalugu katersuiniarnerup maluginiarneqarnerujussua atorluarlugu uummaarissumik inissisimalerneq atorlugu pisussanik aallartitsinngitsoorluta, suli suliniuteqarnermut erseqqissaataasussaasimagaluartunik.

Tusarniuteqarnermut akissut

2016-ip ukiaani siulersuisut aaliangiipput meeqqaat pillugit suliaqarnermi oqaaseqartarneq sakkortusarumallugu. Oqallinnernimi peqataaniallaqqinnerusariaqarpugut, periarfissaagaangat tusagassiutitigut uumaarinnerusumik nalunaaruteqartarluta.

Tamatuma saniatigut Naalakkersuisunit tusarniaassutigineqartoq akissuteqarfigaarpot. Tassani aallaaviuvoq isumaginnittooqarfiup aqutsisoqarfianik allannguniarnermut atatillugu inatsisisamik siunnersuuteqarniarneq.

Inatsisisatut siunnersuummi ilassummik ikkussinissaq kissaatigineqarpoq, tassani Kommunit isumaginninnermik aqtsinerisa iluini Nalakkersuisut atorunnaarsitsillutik unitsitsisinnaanerat ammaakkumaneqarluni, atorneqarsinnaasumik kommunit aqutassat iluini aamma innuttaasut pisinnaatitaaffisa iluini annertuumik naammassinninngippata. Meeqqaat Ikiortigit akissuteqarnerminni taavaat, siunnersuutiginiarneqartoq tunngaviatigut tapseroramikku, akuersaarlugu tamatuma meeqqaat sanngiitsumik inissimasut pitsaanererusumik atugarnissaannut aqutissiuutissatut atorniarneqarnera.

Siulittaasoq nutaaq

2016-imi april-ip aallartinnerani siulittaasorput, Ruth Montgomery-Andersen, siulersuisuni sulinerminit tunuarniarluni nalunaaruteqarpoq, taamaattumilu siulersuisunut siulittaasup tullia Cecilie Rudbeck siulittaasutut inissinneqarpoq. Siulersuisunilu issiasut tullersortissaatut nutaatut qinerpaat Rebekka Kristiansen Bisgaard.

Danmarkimiit tikeraarneqarneq

2016-imi aprilip aallartinnerani tikeraartigaarpot Red Barnet-imi generalsekretæriusoq, Jonas Keiding Lindholm.

Jonas-imut nuna tamakkerlugu peqatigiiffiup sumiiffiusunilu peqatigiiffiit suliaat oqaluttuaraagut, ilanngullugit tungitsinnit oqaaseqartartuunermik siunnerfippot, pilersaarusrornermut pisortas-samik atorfinititsiniarnerput aammalu sumiiffinni peqatigiiffiinnut atatillugu ineriartortsiniarnerput. Jonas-illu tusakkani tupigusuutigai aammalu nuna tamakkerlugu peqqatigiiffimmi sumiiffinnilu peqatigiiffinni tunniusimalluni suliniarnerit nersualaarlugit. Naqissuserpaalu Red Barnet Danmark sapinngisani tamaat ikiuerusoqimmat, isumaqatigiissutig-varpullu akunnitsinni attaveqaqatigiinnerulernissarput. Ataatsimeeqatigiinnermilu Jonas periuseriniakkatik nutaat pillugit oqaluttuarpoq taallugulu meeqqaat sanngiinnerusutut inissimasut akuliusimaffiginerulernissaat angorusullugu.

Siulersuisut ataatsimeeqatigiinnerup kingorna naliliippot oqaatigalugu immineq suliarisat Red Barnet Danmarkimilu suliarineqartut assigiiungitsorpassuartigut imminnut eqqaanartuusut.

Chat paaralugu – Isumannaatsumik internetimik atuisinnaanissaq

Maanna Isumannaatsumik Internetimik atuisinnaaneq pillugu suliniutit sukkatipput. Tassunga atatillugu Red Barnet Danmark attaveqarfingaarpuit taamallu hjemmeside-ianni atuarneqarsin-naasut kalaallisunngortinnissaat pillugu akuersissummit pilluta.

2016-illu aasaanerani aamma PiSiu ingerlanniagaq taaneqartoq pillugu suleqatigilerparput, peqatigiillatalu maannaa ningasaateqarfinnut aningaasaliiffigineqarsinnaanermik qinnuteqar-titerpugut.

Sumiiffiusumi peqatigiiffik

Summiffimmi peqatigiiffimmut qujangaarpugut! Siullermiinngitsumik sumiiffimmi peqatigiiffiup annertuumik ikiorpaatigut, meeqqaat sanngiinnerusutut inisisimasut angajoqqaarisaaassalu sullinniarnerannut peqataalluarlutik. Taamallu takutitsilluarput naak aningaasat sulisussallu killeqaraluqisut imminerlu kajumissutsimik tunngaveqartumik suleqataasukikkaluartoq.

2016-ip aasaanerani illi nuna tamakkerlugu peqatigiffimmi siulittaasuusut sumiiffinni peqati-giiffinnut tunngasunut eqqumaarinnerulersimapput aamma eqqarsaatigalugu pisariaqartineqartoq, tassalu immineq piumassutsiminnik suleqataajumasussarsiorneq.

Taamaattumik aaliangerpugut, sumiiffinni peqatigiiffinni ingerlanniakkat ingerlatatsinnut "Meeqqaat tamarmik angerlarsimaffissaqarsinnaatipaapput"-mut ilanngunniarlugit, taamattut iliornikkut isumannaarumallugu ingerlanniakkaminnut aningaasassaqartilaalernissaat.

Taamatut iliornikkut aamma periarfissikkumaneqarpoq, pilersaarusrornermut pisortap "Meeqqaat tamarmik angerlarsimaffissaqarsinnaatitaapput"-mik ingerlatsinermini isumannaarniarsinnaalissagaa sumiiffinni peqatigiiffiit suliniarnerini tunuliaqtserlugillu ikiuisinnaanini aamma eqqarsaatigalugu immineq kajumissutsiminnik suleqataarusuttut amerlisarniarnissaat.

Pilersaarusrornermut pisortaq

2016-imi aasap ingerlanerani pilersaarusrornermut pisortatut, Kamilla Falsted Dihle, atorfinititsinneqarpoq ingerlanniakkamik "Meeqqaat tamarmik angerlarsimaffissaqarsinnaatitaapput"-mut ingerlatsisussatut.

Kamilla siornatigut Kommuneqarfik Sermersooq-mi Forvaltning for Velfærd, Arbejdsmarked og Erhverv-imi atorfeqarsimavoq, tassani ilaatigut sektorplan-iliornermik utoqqarnullu politikkissamik suliaqarsimalluni.

Kamilla siammasissumik tunngaveqartumik atorfimminut atatillugu suliaqartussanngortinnejqarpoq, tassa ingerlanniakkap taaneqartup suliarinerata avataatigut aamma taassuma ingerlannissaanut aningaasassarsiornermik suliaqartussanngorælugu aamma summiffinni peqatigiiffiitk suliniarnerini ikorfartuisussanngorlugu aammalu taakkunani immineq kajumissutsiminnik suleqataajumasinnaasunik pissarsiornerni ikiortussanngorlugit. Kiisalu piffissaq ungasinnerusoq isigalugu siulersuisut peqatigalugit peqatigiiffik periusissiuutissavaa aammalu ilusilersussallugu avammut attaveqarnermi politikkissaq. Suliassat amerlaqaat ilaalu angillutik, kisianni isumaqarpugut Kamillap tamakku nammassisinnaassagai soorunalumi uagut siulersuisusugut pisinnaasagut tamaasa atorlugit ikorfartorniarsarissavarput.